




## Urbanizasaun no Siguransa: “Dili Sentru Konfliktu”

Mahein Nia Lian Nú. 64, 29 Novembru 2013



Suporta Husi Povu Amerikanu liu husi USAID no Embaxada Finlandia iha Jakarta



Website: [www.fundasaunmahein.org](http://www.fundasaunmahein.org)

## I. Introdusaun

Urbanizasaun nu'udar fenomena ida ne'ebé kuaze akontese iha Nasaun hotu inklui Timor-Leste. Fenomena urbanizasaun ne'e relasaun metin ho mobilidade ka migrante la organizadu husi area rural ba area urbanu. Ne'e akontese tanba laiha balansu dezenvolimentu sosial, ekonomia, edukasaun no aspeitu sira seluk entre area rural no area urbanu. Inklui mehi hetan serbisu diak iha kapital hodi muda vida sosial sai kontributor maior mosu urbanizasaun.<sup>1</sup>

Iha kontestu Timor-Leste, urbanizasaun mos relasaun forte ho dezenvolimentu ekonomia, infra-estrutura baziku ba edukasaun inklui minimu tebes kampu serbisu iha area rural nu'udar kauza ida hodi provoca migrante lokal husi distritu 13 mai iha kapital Dili.<sup>2</sup> Sistema edukasaun formal no non-formal ne'ebé konsentra iha Dili sai fatór ida ne'ebé dada juventude barak mai kapital hodi kontinua sira nia estudu inklui mos tuir kursu profesional sira.<sup>3</sup> Nune'e mos kauza husi kaben (fen tuir laen ou laen tuir fen) no seluk tan.<sup>4</sup>

Presiza iha mekanizmu adekuaudu ida hodi responde fenomena migrante lokal atu nune'e labele hamosu *over urbanization* iha kapital Dili tanba bele fo ameasa ba estabilidade Timor-Leste iha futuro.<sup>5</sup> Realidade migrante la organizadu husi distritu 13 mai kapital durante dekada ida resin konsege halo "Dili sai sentru konflitu" ne'ebé dala barak ona halo comunidade senti moris la seguru.<sup>6</sup>

## II. Metodolojia

Metodolojia ne'ebé adopta iha peskiza ne'e liu husi rekolla informasaun sira kona-bá asuntu ubanizasaun no imigrasaun lokal iha Timor-Leste. Nune'e mos bazeia ba diskusaun entre ekipa Fundasaun Mahein ho modelu *Security Sector Discussion (SSD)*, inklui rekolla informasaun sira husi publikasaun media nasional no relatoriu sira husi Organizasaun Internasional no nasional hanesan *International Crisis Group*, Banku Mundial, Ministeriu Finansa, ONU, ONG BELUN no Estatistika Nasional nian. Inklui opiniaun no rezultadu peskiza husi pesoal sira ne'ebé pública tiha ona iha website formal no blog sira. Pontu análise husi peskiza ne'e rasik maka kona-bá fenomena urbanizasaun no imigrasaun lokal ne'ebé konsidera nu'udar kauza hodi halo "Dili sai sentru konflitu" iha Timor-Leste.

## III. Fatór Sira Ne'ebé Sai Kauza Ba Urbanizasaun

Normalmente urbanizasaun ne'e mosu tanba fatór hirak ne'ebé sai kauza ba fenomena ida ne'e. Tuir Sensus 2010 hatudu katak razaun husi urbanizasaun ka migrasaun husi distritu mai sidade Dili relaciona ho fatór sosial, ekonomia, edukasaun no seluk tan.<sup>7</sup> No, migrante

<sup>1</sup> Bonaventura. (2012, Outubro 23). Trend Urbanisasi. <http://master-bonbon.blogspot.com/2012/10/trend-urbanisasi.html>.

<sup>2</sup> TLVA. (2009, Abril). Grupu Sira, Gang sira no Violensia Armadu iha Timor-Leste. <http://www.timor-lete-violence.org/pdfs/Timor-Leste-Violence-IB2-TETUN.pdf>

<sup>3</sup> TS. (2013, Outubro 02). Imigrasaun Husi Distritu Mai Dili Halo Dili Sao Sidade Disturbius. Media Tempo Semanal.p13.

<sup>4</sup> RDTL. (2010). Analytical Report on Migration and Urbanization. Sensus 2010. Volume 7.p24.


<sup>5</sup> Sunarya,Ipan.(2012,Novembru10).Urbanisasi.<http://iephant46.wordpress.com/2012/11/10/urbanisasi/>

<sup>6</sup> TLVA. (2009, Abril). Grupu Sira, Gang sira no Violensia Armadu iha Timor-Leste. <http://www.timor-lete-violence.org/pdfs/Timor-Leste-Violence-IB2-ENGLISH.pdf>

<sup>7</sup> RDTL. (2010). Analytical Report on Migration and Urbanization. Sensus 2010. Volume 7.p14.

lokal hirak ne'e maioria kompostu husi juventude ne'ebé ikus mai hamosu konfliktu sosial hanesan hadau malu hela fatin, rai, involve iha grupu geng, dezempregu sistematika no seluk tan. Ne'ebé sai nu'udar tentativa ba estabilidade nasional.<sup>8</sup>

Tabela volume migrante lokal husi Distritu mai Dili



Fontes: Sensus 2010.

Husi grafika iha leten hatudu katak volume urbanizasaun ka migrante lokal husi Distritu mai sidade Dili kontinua aumenta maka'as. Ne'ebé rejultadu kresementu populasaun iha kapital Dili husi 173, 541 (sensus 2004) to'o 228,564 (sensus 2010).<sup>9</sup> Husi Distritu hirak ne'e, maizumenus iha Distritu 6 maka kontribui migrante barak liu mai kapital Dili hanesan Distritu Baucau 17.5%, Bobonaro 13.5%, Viqueque 12.30%, Ainaro 8.4%, Lautem 9.1% no Ermera 10.1%<sup>10</sup>

Husi movimentu urbanizasaun ka imigrasaun internal ne'e, tuir Fundasaun Mahein nia monitorizasaun hatudu katak pelumenus iha fatór hirak ne'ebé konsidera fundamentu maka hanesan tuir mai ne'e;

a. Edukasaun Formal no Non Formal Sentralizadu iha Kapital Dili

Hahu Timor-Leste hetan independensia iha 2002, Dili nu'udar kapital nasaun nian ne'ebé sai sentru ba atividade edukasaun formal no non-formal. Nu'udar fatór ida hodi dada juventude sira iha area rural ne'ebé remata ona sira nia nivel eskola iha Pre-Sekundaria no Sekundaria maioria deside mai kontinua estudu iha kapital Dili.<sup>11</sup> Ne'e, relaciona ho dezenvolvimentu infra-estrutura baziku no kualidade edukasaun iha area rural ne'ebé sei mukit tebes.<sup>12</sup>

<sup>8</sup> Carapic, Jovana. (2012). Buka Hatene Pontu Katalitiku Konfliktu Urbanu.

[http://www.urbantippingpoint.org/documents/Policy%20Briefs/PolicyBrief\\_Dili\\_Tetum.pdf](http://www.urbantippingpoint.org/documents/Policy%20Briefs/PolicyBrief_Dili_Tetum.pdf)

<sup>9</sup> RDTL. (2010). Analytical Report on Migration and Urbanization. Sensus 2010. Volume 7.p16.

<sup>10</sup> RDTL. (2010). Analytical Report on Migration and Urbanization. Sensus 2010. Volume 7.p16.

<sup>11</sup> TS. ( 2013, Outobru 02). Imigrasaun Husi Distritu Mai Dili Halo Dili Sao Sidade Disturbius. Media Tempo Semanal.p13.

<sup>12</sup> TS. ( 2013, Outobru 02). Imigrasaun Husi Distritu Mai Dili Halo Dili Sao Sidade Disturbius. Media Tempo Semanal.p13.

Ho nune'e metade husi total estudante maizumenus kada tinan hamutuk rihun lima ne'ebé akaba eskola sekondaria kontinua sira nia estudu iha Universidade sira iha Dili, la sura ho sira ne'ebé kontinua mos estudu iha nivel Pre-Sekondaria.<sup>13</sup> Inklui eskola non-formal hanesan treinamentu no kursu ne'ebé fasilita tantu Governu no ONG nasional no Internasional ne'ebé maioria sentraliza iha sidade Dili.<sup>14</sup>

Fo oportunidade ba juventude mane no fetu husi distritu mai kapital Dili ne'ebé ikus mai fo impaktu negativu ba siguransa iha area urbanu. Realidade hatudu katak durante ne'e sidade Dili sai sentru konflitu iha dekade ida resin nia laran, depois nasaun ida ne'e hetan ninia soberania.<sup>15</sup> Hanesan kazu konflitu horizontal entre estudante ho Governu relasiona muda obrigatoriu ba sira nia hela fatin iha eis Hotel Rezende.<sup>16</sup>

Maske kada tinan volume migrante lokal husi distritu mai kapital Dili aumenta maka'as maibe laiha sistema kontrola ne'ebé diak fo oportunidade boot ba konsentrasaun juventude iha area urbanu. Tuir sensu 2010 hatudu katak maizumenus pursentu 29.6 husi populasaun hela iha area urbanu, pursentu 18 iha sidade Dili nu'udar otas nurak (juventude), kompara ho 2004 ne'ebé ho deit pursentu 25.9 no pursentu 11 ne'ebé hela iha Dili.<sup>17</sup>

Ida ne'e relasiona ho konsentrasaun Edukasaun Formal no Non-Formal iha sidade Dili sai kauza ba migrante lokal (juventude) kada tinan aumenta ba bebeik. Ikus mai hamosu grupu geng foun iha bairo sira iha sidade Dili hodi provoka malu no kria konflitu, wainhira mosu kompetisaun la favoravel kona-bá serbisu no seluk tan.<sup>18</sup> Presiza tau iha konsiderasaun katak ba futuru Timor-Leste sei hetan ameasa boot rua ne'ebé konsidera nu'udar katalizador ba konflitu urbanu maka dizigualidade sosial no kampu serbisu ne'ebé menus.<sup>19</sup>

Governu presiza hadi'a infra-estrutura no kualidade edukasaun iha area rural atu nune'e bele minimiza estudante finalista barak mai iha sidade.<sup>20</sup> Tanba fatór kualidade edukasaun iha area rural ne'ebé ladiak inklui infra-estrutura eskola ne'ebé sei mukit tebes nu'udar kauza ida ba inan-aman hodi haruka nia oan mai eskola iha sidade Dili.<sup>21</sup> Wainhira laiha

---

<sup>13</sup> R.3. (2012, Agostu 20). MF sei lansa relatoriu numeru dezempregu tinan 2012. Media Business Timor. <http://www.jornalbisnistimor.com/id/berita/486-mf-sei-lansa-relatoriu-numeru-dezempregu-tinan-2012>

<sup>14</sup> Celina, Marlia. (2006, Outobru). Muda Sistema Edukasaun Ultrapasadu. Media Lian Foin Sa'e. [http://siteresources.worldbank.org/INTTIMORLESTE/Resources/October-Master\\_edisi-Final.pdf](http://siteresources.worldbank.org/INTTIMORLESTE/Resources/October-Master_edisi-Final.pdf)

<sup>15</sup> Carapic, Jovana. (2012). Buka Hatene Pontu Katalitiku Konflitu Urbanu. [http://www.urbantippingpoint.org/documents/Policy%20Briefs/PolicyBrief\\_Dili\\_Tetun.pdf](http://www.urbantippingpoint.org/documents/Policy%20Briefs/PolicyBrief_Dili_Tetun.pdf)

<sup>16</sup> Freitas Ezequiel. (2013, Setembru 01). TLCE Triste Ho Kondisaun Estudantes Eis Hotel Rezende. <http://www.thediliweekly.com/news/education/11506-tlce-upset-with-eviction-of-students-from-hotel-rezende>

<sup>17</sup> RDTL. (2010). Rezumu hosi Rezultadu Prinsipál Sensu 2010 iha Timor-Leste. <http://www.dne.mof.gov.tl/published/2010%20and%202011%20Publications/Census%20Summary%20Tetun/Tetun%20Census%20Summary%202011.pdf>

<sup>18</sup> TLAVA. (2009, Abril). Grupu Sira, Gang sira no Violensia Armadu iha Timor-Leste. <http://www.timor-lesete-violence.org/pdfs/Timor-Leste-Violence-IB2-TETUN.pdf>

<sup>19</sup> Neves, Guteriano. (2013, Maiu 22). Dezempregu iha Timor no Dezafiu ba futuru. <http://aitaraklaranlive.wordpress.com/2013/05/22/dezempregu-ih-timor-no-dezafiu-ba-futuru/>

<sup>20</sup> TS. (2013, Outobru 02). Imigrasaun Husi Distritu Mai Dili Halo Dili Sao Sidade Disturbius. Media Tempo Semanal.p13.


<sup>21</sup> Saldanha S, Estanislau. (2012, Outobru 01). Hanoin Badak Ida Konaba Hadia Kualidade Edukasaun iha Timor-Leste. <http://forum-haksasuk.blogspot.com/2012/10/hanoin-badak-ida-konaba-hadia-kualidade.html>

antispasaun husi Governu bele hamosu *over urbanization* iha futuru no menus kampu serbisu bele haburas frustrasaun no tensaun sosiál. Ida ne'e bele halakon juventude sira nia konfiansa wainhira sira nia estatutu sosiál aumenta problema.<sup>22</sup>

b. Atividade Komersiu Sentralizadu iha Kapital Dili

Kestaun seluk ne'ebé sai nu'udar kauza ba urbanizasaun iha Timor-Leste maka atividade komersiu ka negosiu sentraliza iha Dili. Relatoriu Ministériu Finansa liu husi Peskiza Atividade Emprezarial – PAE relata katak kapital Dili nu'udar sentru ba atividade komersiu ka negosiu iha Timor-Leste. Negosiu sira ne'ebé konsentra iha Dili pelumenus fo empregu ba 80% husi ema hamutuk 46,700 ne'ebé maka serbisu ho kompañia sira.<sup>23</sup> Nune'e mos tuir Fundasaun Mahein nia monitorizasaun kuaze merkadu lokal iha kapital Dili nakonu ho negosiante sira ne'ebé mai husi distritu hodi faan sasan hanesan roupa, modo-tahan, ikan, náan no inklui negosiante roda tolu ne'ebé dadaun espalla iha Dili laran.<sup>24</sup>

Grafiku Kompañia Industria iha Distritu 13



Fontes: MCIA - 2013

Hanesan hatudu iha grafiku iha leten, atividade kompañia maioria ejizte iha sidade Dili kompara ho kapital Distritu seluk. Ne'e sai razaun fundamentu ba comunidade (liu-liu juventude) sira muda mai kapital Dili hodi buka serbisu no negosiu. Tanba produsaun agrikultura ki'ik, fatin ba atividade agrikultura subsistencia komesa menus no baze ba seitor privadu kuaze la eziste distritu no area rural sai kontributor maior ba urbanizasaun iha Timor-Leste.<sup>25</sup> Ida ne'e bele fo biban boot hodi hamosu konfliktu iha area urbanu tanba futuru

<sup>22</sup> Fundasaun Mahein. (2012, Dezembru 20). Análiza Siguransa Hafoin Mandatu UNMIT Remata 2012. Mahein Nia Lian. Nú. 43.p08.pdf.

<sup>23</sup> RDTL. PESKIZA KONA-BA ATIVIDADE EMPREZARIAL IHA TIMOR-LESTE TINAN 2010. <http://dne.mof.gov.tl/TLSLS/BUSINESS%20ACTIVITY%20SURVEY/Business%20Activity%20Survey%20BAS/BAS%202010%20TETUN.pdf>

<sup>24</sup> MJ4. (2013, Outobru 09). Situasaun Obriga Faan Ropa Iha Dili. <http://jornal.suara-timor-lorosae.com/situasaun-obriga-faan-ropa-ih-dili/>

<sup>25</sup> Neves, Guteriano. (2013, Maiu 22). Dezempregu iha Timor no Dezafiu ba futuru. <http://aitaraklaranlive.wordpress.com/2013/05/22/dezempregu-ih-timor-no-dezafiu-ba-futuru/>

Timor-Leste sei hasoru dezafiu boot rua ne'ebé nu'udar hun no abut ba konflitu maka dizigualidade sosial no dezempregu sistematiku.<sup>26</sup>

Governu prezisa implementa política dezenvolvimentu iha distritu no area rural hanesan loke industria ki'ik iha suku sira no apoiu makina ba juventude sira iha rural atu nune'e sira bele transforma sira vida moris.<sup>27</sup> Tuir Fundasaun Mahein ne'e sei ajuda tebes hodi minimiza fenomena urbanizasaun no imigarasaun lokal mai sidade Dili iha futuru.

### c. Kapital Dili Sai Sentru "Kampu Traballu"

Hafoin Timor-Leste restaura ninia independensia, kapital Dili sai sentru uniku ba Timor-Oan buka serbisu atu hadi'a sira moris. Dadus Estatistika Nasional hatudu katak liu 50% husi numeru populasaun Timor-Leste ho idade produtivu buka serbisu ne'ebé konsentra iha kapital Dili. Idade produtivu hirak ne'e sura husi tinan 15 ba leten.<sup>28</sup> Sensus 2010 relata katak total populasaun hamutuk Um Millaun resin ne'e maioria joven ho idade 15 ba leten ne'ebé mai husi distritu sanolu resin tolu. No, dadaun buka moris iha kapital Dili tanba sira senti katak sidade Dili hanesan kapital nasaun ne'ebé hafasil sira atu hetan serbisu.<sup>29</sup>

Maibe dala barak realidade hatudu oin seluk, katak saida maka sira mehi ikus mai labele realiza tanba maioria husi migrante lokal husi distritu ne'e laiha abilidade ne'ebé naton hodi kompete iha kampu serbisu, tantu iha instituisaun Governu, NGO Nasional no NGO internasional inklui Kompañia sira.<sup>30</sup> Ikus mai aumenta numeru ema buka serbisu iha kapital Dili hodi fo oportunidade kria konflitu. Tanba frustasaun sosial relasiona ho vida moris ne'ebé karun, frustradu tanba labele kontinua eskola iha nivel as lori juventude sira ba aktu violencia ne'ebé fo impaktu ba estabilidade nasional.<sup>31</sup>

Relatoriu barak ne'ebé fo sai ona husi Organizasaun Naun Govermental – ONG nasional no internasional hanesan Fundasaun Mahein, La'o Hamutuk, *International Crisis Group*, media Internasional no sira seluk konsidera katak dezempregu nu'udar ameasa boot estabilidade rai laran iha futuru oin mai.<sup>32</sup> Kestaun maka Osamentu Jeral Estadu kada tinan aumenta bebeik maibe la rezolve problema dezempregu iha Timor-Leste ne'ebé fo biban ba krimi organizadu sira rekruta Timor-Oan (dezempregadu) hodi kria instabilidade iha rai laran.<sup>33</sup>

<sup>26</sup> Neves, Guteriano. (2013, Maiu 22). Dezempregu iha Timor no Dezafiu ba futuru.

<http://aitaraklaranlive.wordpress.com/2013/05/22/dezempregu-ih-timor-no-dezafiu-ba-futuru/>

<sup>27</sup> TS. ( 2013, Outobru 02). Imigrasaun Husi Distritu Mai Dili Halo Dili Sao Sidade Disturbius. Media Tempo Semanal.p13.

<sup>28</sup> Viana, Rui. (2012, Setembru 17). SEPFOPE No Stratejia Hamenus Desempregu Iha Timor Leste .

<http://forum-haksesuk.blogspot.com/2012/09/sepfope-no-stratejia-hamenus-desempregu.html>

<sup>29</sup> Fundasaun Mahein. (2011, Abril 12). Dezempregu: Biban Ida Kria Instabilidade Iha TL.

<http://cjitl.org/cjitltimor-today/cjitl-opinion/297-dezempregu-biban-ida-kria-instabilidade-ih-tl>

<sup>30</sup> TL Tatoli Lian. (2011, Abril 28). Dezempregu: Biban Ida Kria Instabilidade Iha Timor-Leste.

<http://networkedblogs.com/hbQC2>

<sup>31</sup> Viana, Rui. (2012, Setembru 17). SEPFOPE No Stratejia Hamenus Desempregu Iha Timor Leste .

<http://forum-haksesuk.blogspot.com/2012/09/sepfope-no-stratejia-hamenus-desempregu.html>

<sup>32</sup> Neves, Guteriano. (2013, Maiu 22). Dezempregu iha Timor no Dezafiu ba futuru.

<http://aitaraklaranlive.wordpress.com/2013/05/22/dezempregu-ih-timor-no-dezafiu-ba-futuru/>


<sup>33</sup> Fundasaun Mahein. (2013, Outobru 03). Forma Foun Operasaun Krime Organizadu iha Timor-Leste. <http://www.fundasaunmahein.org/2013/10/03/forma-foun-operasaun-krime-organizadu-ih-timor-leste/>

Tuir Fundasaun Mahein nia hanoin katak presiza iha planu abrodazen ida husi Governu hodi dezenvolve area rural iha aspeitu ekonomia, edukasaun, saude no seluk tan atu nune'e bele reduz urbanizasaun ka imigrasaun husi distritu mai sidade Dili iha futuru. Tanba iha tendensia boot mosu konflitu iha area urbanu relasaun ho injustisa sosial, ekonomia no selu-seluk.

#### IV. Siklu Urbanizasaun Iha Timor-Leste

Sensus 2010 relata katak siklu urbanizasaun ka imigrasaun internal, liu-liu ba kapital Dili mai husi Distritu sira iha teritoriu Timor-Leste. Ne'ebé ho razaun oi-oin hanesan buka serbisu, negosiu, eskola, tuir familia (kaben) inklui mos kapital Dili sai sentru administrasaun públiku no fatin esporta – importa.<sup>34</sup>

Siklu Migrante Lokal husi Distritu Mai Kapital Dili



Fontes: Sensus ATLAS 2010

Bazeia ba siklu ne'ebé relata imajen iha leten hatudu mai ita katak Dili sai hanesan sentru ba urbanizasaun ka migrante lokal iha Timor-Leste. Tuir sensus 2010 katak maizumenus 43% populasaun moris iha kapital Dili ne'ebé mai husi Distritu sira iha teritoriu lanar.<sup>35</sup> Ho ninia karakteristiku no tipu oi-oin, pelumenus iha relasaun ho aspeitu sosial, ekonomia, edukasaun, politika no seluk tan.<sup>36</sup>

##### a. Komunitade Muda Husi Distritu Mai Kapital Dili

Nu'udar mensiona iha leten katak siklu urbanizasaun ka imigrasaun lokal normalmente relasaun ho komunitade ne'ebé muda husi area rural ba area urbanu hodi buka serbisu ka

<sup>34</sup> RDTL. (2010). Sensus Populasaun No Uma Kain 2010. <http://www.dne.mof.gov.tl/published/Census%20Preliminary%20Results%202010/Tetum%20English%20Preliminary%20Results%202010.pdf>

<sup>35</sup> RDTL. (2010) Sensus ATLAS. Volume 15.p18.

<sup>36</sup> Yunindyawati. (2012, Febreiru 02). PENYEBARAN PENDUDUK: MIGRASI, TRANSMIGRASI, URBANISASI. <http://sosiokita-sosio.blogspot.com/2012/02/penyebaran-penduduk-migrasi.html>

halo negosiu atu transforma sira nia moris.<sup>37</sup> Fenomena urbanizasaun no imigrasaun interna iha Timor-Leste la ses husi fatór hirak ne'e. Tanba komidade iha area rural to'o ohin loron ladauk senti mudansa ekonomia.<sup>38</sup> Maske dadaun kresementu ekonomia Timor-Leste haksoit sa'e to'o 10% ka 12%.<sup>39</sup> Ida ne'e sai kauza ne'ebé provoka komidade iha area rural mai sidade hodi buka serbisu no negosiu iha merkadu lokal sira sidade Dili.<sup>40</sup>

Maizumenus volume migrante lokal ne'e sa'e to'o 60% entre juventude mane, no maizumenus 50% iha grupu tinan entre 20–24 ne'ebé tun mai sidade Dili hodi buka serbisu no negosiu. Halo aumenta taxa as migrasaun husi area rural ba sidade, ne'ebé maioria maka juventude kompara ho ferik no katuas. Maizumenus 40% husi Dili nia populasaun kompostu husi migrante internu.<sup>41</sup> Ne'e fo impaktu negativu ba siguransa interna wainhira maioria husi juventude sira ne'e la hetan oportunitade serbisu maka sei fasil inklina an iha grupu geng bairo iha sidade Dili ne'ebé ikus mai kria instabilidade iha rai laran.<sup>42</sup>

#### b. Estudante Finalista Pre-Sekundari no Sekundaria Mai Eskola iha Dili

Fatór kresimentu estudante finalista ne'ebé kada tinan aumenta hodi mai kontinua estudu iha sidade Dili sai hanesan kontributor maior urbanizasaun ka imigrasaun interna. Faktus ida maka kada tinan metade husi estudante rihun lima ne'ebé akaba sira nia eskola Sekundaria iha area rural kontinua mai estudu iha Universidade ne'ebé espalla Dili inklui mos sira ne'ebé kontinua eskola iha nivel Pre-Sekundaria.<sup>43</sup>

Ida ne'e relasiona ho dezenvolvimentu infra-estrutura baziku ba edukasaun iha distritu no area rural ne'ebé sei mukit sai hanesan kauza ida hodi dudu inan-aman haruka nia oan mai eskola iha kapital.<sup>44</sup> Konforme rezultadu sensus 2010 katak eskola Primaria 80.2%, Pre-Sekundaria 38.8% no Sekundaria 29.9% konsentra iha sidade Dili, la sura ho Universidade.<sup>45</sup> Husi pursentu hirak ne'e maioria estudante sira ne'ebé mai husi Distritu hodi kontinua estudu iha sidade Dili. Maizumenus 30% migasaun internal husi area rural mai kapital Dili relasiona ho asuntu edukasaun.<sup>46</sup>

<sup>37</sup> Bonaventura. (2012, Outobru 23). Trend Urbanisasi. <http://master-bonbon.blogspot.com/2012/10/trend-urbanisasi.html>.

<sup>38</sup> Neves, Guteriano. (2013, Maiu 22). Dezempregu iha Timor no Dezafiu ba futuro. <http://aitaraklaranlive.wordpress.com/2013/05/22/dezempregu-ih-timor-no-dezafiu-ba-futuru/>

<sup>39</sup> BT. (2013, Jullu 01). Kresimentu ekonomia Timor-Leste haksoit maka'as. <http://www.jornalbisnistimor.com/id/berita/ekonomi/1320-kresimentu-ekonomia-timor-leste-haksoit-makaas>

<sup>40</sup> Nicho. (2013, Agostu 05). Kapital Dili oin foer ho negosiante lokal. <http://www.jornalbisnistimor.com/id/berita/1437-kapital-dili-oin-foer-ho-negosiante-lokal>

<sup>41</sup> TLAVA. (2009, Abril). Grupus Sira, Gang sira no Violensia Armadu iha Timor-Leste. <http://www.timor-leste-violence.org/pdfs/Timor-Leste-Violence-IB2-TETUN.pdf>

<sup>42</sup> Fundasaun Mahein. (2012, Dezembru 20). Análiza Siguransa Hafoin Mandatu UNMIT Remata 2012. [http://www.fundasaunmahein.org/wp-content/uploads/2012/12/MNL-no-43\\_20122012-UNMITpdf.pdf](http://www.fundasaunmahein.org/wp-content/uploads/2012/12/MNL-no-43_20122012-UNMITpdf.pdf)

<sup>43</sup> R-3. (2012, Agostu 20). FM Sei Lansa Relatoriu Numeru Dezempregu Tinan 2012. Media Business Timor

<sup>44</sup> Horta, Madalena. (2013, Juñu 21). Area Rural Seidauk Sente Sentemento Ukun An. <http://jornal.suara-timor-lorosae.com/area-rural-seidauk-sente-sentemento-ukun-an/>

<sup>45</sup> RDTL. (2010) Sensus ATLAS. Volume 15.p54-57.

<sup>46</sup> RDTL. (2010). Analytical Report on Migration and Urbanization. Sensus 2010. Volume 7.p24.



Presiza iha planu integradu ida husi Governu hodi hare'e kestaun edukasaun atu nune'e bele reduz volume imigrasaun interna, partikularmente estudante sira. Governu tenki implementa planu dezenvolvimentu rural iha parte edukasaun nian, tantu eduksaun formal no non formal iha distritu no area rural sira atu nune'e labele fo espasu luan ba imigrasaun husi distritu mai kapital Dili.<sup>47</sup>

Tanba realidade hatudu katak migrante lokal (estudante) husi area rural mai sidade Dili maioria maka okupa uma no rai estadu ne'ebé ikus mai hamosu konflitu entre estudante no Governu wainhira hetan muda obrigatoriu.<sup>48</sup> Kazu fresku ida maka Governu hasai obrigatoriu estudante iha sira husi distritu ne'ebé hela iha eis Hotel Rezende ne'ebé konsege hamosu konflitu verbal no non-verbal entre estudante ho polisia.<sup>49</sup>

Tuir Fundasaun Mahein nia hanoin katak wainhira imigarsaun husi distritu aumenta ba bebeik mai kapital Dili bele fo impaktu ba siguransa umanu no siguransa nasional. Ezemplu, sei laiha espasu ba hela fatin, hadau malu rai, hadau malu fatin ba faan sasan, hadau malu buka pasanjeirus hanesan sofer mikrolet no taxista sira.<sup>50</sup> Kestaun maka to'o ohin lonon auto-empregu iha Dili, obviamente boot tebes. Ita bele hare'e iha dalan ninin, sira, taxista sira, mikrolet sira. Maske iha distritu seluk mos iha, maibe kompara ho Dili, número auto empregu iha Dili sei as liu tanba atividade ekonomia sei konsentra iha Dili.<sup>51</sup>

## V. Impaktu no Ameasa

Normalmente fenomena urbanizasaun sempre hamosu impaktu pozitivu no negativu. Maibe Fundasaun Mahein koko hare'e impaktu husi aspeitu sosial, política, ekonomia no seluk tan ne'ebé halo sidade Dili sai sentru konflitu durante dekade ida resin nia laran. Hanesan konflitu entre comunidade kona-bá hadau malu rai (uma ba hela fatin), konflitu entre geng bairo tanba frustasaun sosial no dezempregu sistematika, rekrutamentu política inklui juventude sira bele involve iha grupu krimi organizadu hodi estraga estabilidade nasional.

Hafoin ukun-an kapital Dili sai hanesan sidade da "PAZ" iha nasaun Timor-Leste. Nu'udar sidade da "PAZ", Dili sai sentru ba konsentrasaun ba Timor-Oan hodi buka serbisu, eskola, negosiu, administrasaun públiku no seluk tan. Maske nune'e, rezultadu husi konsentrasaun atividade iha sidade Dili sai nu'udar tentativa ba estabilidade nasional (**hare'e diagrama iha okos**).<sup>52</sup>

---

<sup>47</sup> TS. (2013, Outobru 02). Imigrasaun Husi Distritu Mai Dili Halo Dili Sao Sidade Disturbius. Media Tempo Semanal.p13.

<sup>48</sup> Pinto, Acacio. (2013, Jullu 16). Polisia duni sai okupantes iha eis otel Resende. <http://radioliberalidadedili.com/lei-a-orden/1081-polisia-duni-sai-okupantes-iha-eis-otel-resende>


<sup>49</sup> Freitas Ezequiel. (2013, Setembru 01). TLCE Triste Ho Kondisaun Estudantes Eis Hotel Rezende. <http://www.thediliweekly.com/news/education/11506-tlce-upset-with- eviction-of-students-from-hotel-rezende>

<sup>50</sup> Nota Informasaun. (2009, Abril). Grupu Sira, Gang sira no Violensia Armadu iha Timor-Leste. Relatoriu TLVA.pdf.p2.

<sup>51</sup> Neves, Guteriano. (2013, Maiu 22). Dezempregu iha Timor no Dezafiu ba futuro. <http://aitaraklaranlive.wordpress.com/2013/05/22/dezempregu- iha-timor-no-dezafiu-ba-futuru/>

<sup>52</sup> Diagrama análise Fundasaun Mahein tuir rezultadu monitorizasaun no peskiza iha Dili.

## Siklu Violensia husi kauza urbanizasaun



Fontes: Resultadu peskiza FM - 2013

### 1. Konflitu Hadau Malu Rai no Hela Fatin (Uma)

Bazeia ba diagrama iha leten hatudu mai katak siklu konflitu kona-bá rai ka espasu ba hela fatin (uma) la'os buat foun iha kapital Dili nu'udar kauza husi urbanizasaun. Realidade durante dekade ida resin, situasaun hadau malu rai no hela fatin kontinua buras iha Dili relasiona ho kada tinan aumenta volume urbanizasaun ka imigarasaun husi distritu mai sidade Dili. Kazu hadau malu rai no hela fatin akontese iha dimensaun oi-oin, iha dimensaun polítika, ekonomia no sosiu-kultural.<sup>53</sup>

Realidade konflitu kona-bá espasu hela fatin (uma) iha kapital Dili okupa primeiru lugar kompara ho distritu. Kapital Dili maioria ema laiha uma no tenki hela iha kampu ka fatin merkadu. Maske iha uma maibe dala barak uza hamutuk husi familia rua ka tolu ne'ebé potensial tebes hodi kria situasaun konflitu entre familia no viziñu sira.<sup>54</sup>

Relatoriu Ita Nia Rai relata katak kazu kona-bá rai (uma) iha sidade Dili sei okupa fatin primeiru kompara ho distritu sira, maizumenus 9.53% husi kazu rai 2.904 ne'ebé sei iha dipusta nia laran.<sup>55</sup> Wainhira tensaun konflitu kona-bá rai aumenta entre comunidade sira husi bairo hirak iha kapital Dili bele fo estraga estabilidade nasional.<sup>56</sup>

<sup>53</sup> Fundasaun Mahein. (2013, Abril 17). Dispusta Rai Rohan Laek: Husi Prespetiva Siguransa. Mahein Nia Lian.Nú.48.pdf.

<sup>54</sup> BELUN. (2009, Abril). HAMENUS TENSAUN IHA KOMUNIDADE HO ASSUNTU UMA.

<http://www.cicr-columbia.org/wp-content/uploads/2011/06/Relatoriu-Politika-1-Uma.pdf>

<sup>55</sup> Fundasaun Mahein. (2013, Abril 17). Disputa Rai Rohan La'ek: Husi Prespetiva Siguransa. Mahein Nia Lian Nú.48.pdf.p10.

<sup>56</sup> Nota Informasaun. (2009, Abril). Grupu Sira, Gang sira no Violensia Armadu iha Timor-Leste. Relatoriu TLVA.pdf.p2.

## 2. Involve iha Grupu Geng no Grupu Arte Marsial - GAM

Nune'e mos movimentu urbanizasaun ka imigarsaun husi distritu mai kapital bele lori konsekuensia ba juventude sira hodi involve iha grupu geng ka grupu Arte Marsial. Grupu geng iha sidade Dili la'os buat foun, maibe sira evolui husi grupu rezistencia klandestinu durante periondu kolonializmu Indonezia no sai nu'udar grupu bar-barak ho forma no natureza oi-oin iha Timor-Leste, partikularmente iha kapital Dili.<sup>57</sup> Kuaze tinan-tinan Grupu Arte Marsial sira rekruta juventude sira maizumenus 1000 pesoas hodi involve iha atividade GAM nian, no husi total ne'ebé iha maioria espalla iha Dili.<sup>58</sup>

Husi grupu geng hirak ne'ebé maka eziste iha bairo sira iha kapital Dili ne'e organizadu tuir rede patrosiniu nian no parenteku bazeia ba figura ida de'it, no mantein lealdade liu husi forneshimentu serbisu ho eskala ki'ik. Ne'e sai oportunidade ba sira hodi rekruta migrante husi distritu mai sidade Dili wainhira hetan influencia husi grupu geng sira ne'e.<sup>59</sup> Relasiona ho problema sosial hanesan frustasaun ba kampu serbisu, labele kontinua eskola tanba osan laiha no seluk tan.<sup>60</sup>

Tuir Fundasaun Mahein katak wainhira juventude sira hahu barak maka involve iha grupu geng ka Grupu Arte Marsial ne'ebé konsentra iha kapital Dili maka iha indikasaun forte hodi hamosu konfliktu ne'ebé bele estraga paz no hakmatek iha sosiadade nia leet. Rezultadu monitorizasaun Fundasaun Mahein identifika katak konfliktu barak ne'ebé akontese iha kapital Dili durante ne'e mos iha relasaun forte ho fenomeno urbanizasaun ka imigarsaun husi distritu mai Dili.

## 3. Involve iha Grupu Krime Organizadu

Impaktu no ameasa seluk husi fenomeno urbanizasaun no imigarsaun husi distritu mai kapital Dili maka iha biban boot juventude mane sira bele hetan rekruta husi Grupu Krime Organizadu sira. Relasiona ho kampu serbisu ne'ebé menus no numeru dezempregu aumenta kada tinan, menus kontrolu husi autoridade siguransa ba atividades ilegal sira fo biban ba Grupu Krime Organizadu sira hodi rekruta Timor-Oan sira iha area urbanu.<sup>61</sup>

Enkuantu laiha sistema ida hodi kontrola movimentu urbanizasaun no imigarsaun husi distritu mai sidade Dili. Ne'e fasil tebes ba juventude ho idade produtivu sira ne'ebé dadaun konsentra iha Dili bele involve iha Grupu Krime Organizadu hodi estraga estabilidade nasional.<sup>62</sup>

---

<sup>57</sup> TLAVA. (2009, Abril). Grupu Sira, Gang sira no Violensia Armadu iha Timor-Leste. <http://www.timor-leste-violence.org/pdfs/Timor-Leste-Violence-IB2-TETUN.pdf>

<sup>58</sup> UNMIT. (2010, Agostu 10). Tackling Gang Violence in Timor-Leste. <http://unmit.unmissions.org/Default.aspx?ctl=Details&tabid=12196&mid=15662&ItemID=19509>

<sup>59</sup> TLAVA. (2009, Abril). Grupu Sira, Gang sira no Violensia Armadu iha Timor-Leste. <http://www.timor-leste-violence.org/pdfs/Timor-Leste-Violence-IB2-TETUN.pdf>

<sup>60</sup> Tempo Semanal. (2012, Setembru 20). Dezempregu sai Ameasa Boot ba Dezestabiliza TL. <http://temposemanaltimor.blogspot.com/2012/09/dezempregu-sai-ameasa-boot-ba.html>

<sup>61</sup> Fundasaun Mahein. (2013, Outobru 03). Forma Foun Krime Organizadu iha Timor-Leste. [http://www.fundasaunmahein.org/wp-content/uploads/2013/10/MNL\\_Nu.60\\_03102013\\_Krime-Organizadupdf.pdf](http://www.fundasaunmahein.org/wp-content/uploads/2013/10/MNL_Nu.60_03102013_Krime-Organizadupdf.pdf)

<sup>62</sup> Fim, (2013, Outobru 05). Dezempregu maka hanesan baze kriminalidade iha Timor-Leste – Xanana Gusmão. <http://noticias.sapo.tl/tetum/info/artigo/1341296.html>

Faktus balun hatudu ona mai ita durante ne'e, hanesan relatoriu Fundasaun Mahein kona-bá Forma Foun Krimi Organizadu iha Timor-Leste mensiona katak timor-oan balun hetan ona rekrutamentu husi grupu krimi organizadu relasiona ho problema sosial hanesan dezempregu sistematiku no dizigualidade sosial.<sup>63</sup>

Nune'e mos esperensia balun husi nasaun viziñu sira hanesan Papua Nova Guine, wainhira urbanizasaun ka imigrasaun barak muda husi area rural ba sidade hodi hamosu dezempregu sistematiku ne'ebé provoka frustrasaun no tensaun sosial. Mane klosan sira lakon konfiansa relasiona ho laiha kampu serbisu halo sira nia estatutu sosial aumenta problema sai tentasaun ba sira involve iha Grupu Krimi Organizadu sira.<sup>64</sup>

Ho ida ne'e, Fundasaun Mahein husu ba Governu atu implementa política dezvoltimentu ekonomia, edukasaun no seluk tan iha distritu no area rural atu nune'e bele minimiza movimentu urbanizasaun ka imigrasaun husi distritu mai sidade Dili. Nune'e mos loke kampu serbisu ba juventude atu nune'e labele hetan influensia husi grupu geng ka grupu krimi organizadu hodi estraga paz no hakmatek iha nasaun ida ne'e.

## **VI. Saida Maka Governu Presiza Halo?**

Problema urbanizasaun no imigrasaun interna husi area rural mai kapital Dili ne'ebé sai tentativa ba estabilidade nasional nu'udar *home work* ida ba Governu atu fo atensaun. Presiza dezvoltolve infra-estrutura baziku ba edukasaun formal no non-formal iha distritu ho facilidade no rekursu umanu ne'ebé suficiente.<sup>65</sup> Hanesan mensiona iha Planu Estratejiku Dezenvolvimentu Nasional – PEDN katak Governu sei dezvoltolve infra-estrutura ensinu pre-eskolar, ensinu baziku no ensinu sekundaria iha area rural inklui prepara rekursu umanu (profesor/profesora) hodi fortifika kualidade edukasaun area rural.<sup>66</sup>

Governu presiza halo investimentu maka'as iha seitór industria ki'ik iha area rural atu nune'e bele apoiu ekonomia comunidade inklui loke kampu serbisu ba juventude sira iha distritu. Estabelese rede komersiu iha distritu hodi fasilita exporta no importa produktu lokal comunidade hodi nune'e bele fo rendementu ba comunidade iha area rural.<sup>67</sup> Dezvoltolve infra-estrutura hanesan estrada ne'ebé liga area rural ba kapital Distritu, Sub-Distritu no nasional atu nune'e comunidade bele faan produktu lokal. Nune'e mos fornese eletrisidade no bee mos ba comunidade iha area rural inklui fortifika industria ki'ik sira iha Distritu atu nune'e bele minimiza urbanizasaun mai kapital Dili.

---

<sup>63</sup> Fundasaun Mahein. (2013, Outobru 03). Forma Foun Krimi Organizadu iha Timor-Leste. [http://www.fundasaunmahein.org/wp-content/uploads/2013/10/MNL\\_Nu.60\\_03102013\\_Krime-Organizadupdf.pdf](http://www.fundasaunmahein.org/wp-content/uploads/2013/10/MNL_Nu.60_03102013_Krime-Organizadupdf.pdf)

<sup>64</sup> Nota Informasaun. (2009, Abril). Grupu Sira, Gang sira no Violensia Armadu iha Timor-Leste. Relatoriu TLVA. <http://www.timor-les-te-violence.org/pdfs/Timor-Leste-Violence-IB2-TETUN.pdf>

<sup>65</sup> TS. (2013, Outobru 02). Imigrasaun Husi Distritu Mai Dili Halo Dili Sao Sidade Disturbius. Media Tempo Semanal.p13.

<sup>66</sup> Prezidencia Konsellu Ministru. (2012, Agosto 26). PROGRAMA V GOVERNO CONSTITUCIONAL NIAN, 2012 – 2017.p13 – 15.pdf.

<sup>67</sup> Len & Jef. (2013, Juñu 21). Inan Aman Laiha Kbiit, Joven Barak Sai Dezempregu. <http://jornal.suara-timor-lorosae.com/inan-aman-laiha-kbiit-joven-barak-sai-dezempregu/>

## **Konkluzaan**

Jeralmente urbanizasaun signifika katak movimentu komidade husi area rural ba area urbanu. Tanba laiha balansu dezenvolimentu sosial - ekonomia, edukasaun no aspetu sira seluk entre area rural no area urbanu. Nune'e mos esperansa atu hetan serbisu diak no salariu sufisiente iha kapital sai fatór ida ne'ebé dudu urbanizasaun ne'e.

Liga ba realidade Timor-Leste, fenomena urbanizasaun ka imigrasaun husi distritu mai kapital Dili mos la ses husi asuntu sosial, ekonomia, edukasaun no seluk tan. Pru-ezemplu atividade komersiu ka exporta no importa sentralizadu iha sidade Dili. Nune'e mos edukasaun formal no non formal inklui administrasaun públiku ne'ebé maioria konsentra iha kapital nasaun ne'e nian nu'udar kauza ida ba urbanizasaun.

Governu presiza implementa polítika dezenvolvimentu iha area rural intermuz kona-bá edukasaun, ekonomia, sosial-kultural hodi nune'e bele reduz volume urbanizasaun ka imigrasaun husi distritu mai sidade Dili. Tanba bele fo impaktu ba siguransa iha sidade Dili wainhira mosu *over urbanization* ne'ebé laiha ekilibru ho kampu serbisu no kompetisaun sosial ne'ebé la saudavel.

## **FM Nia Rekomendasaun**

1. Rekomenda ba Governu atu dezenvolve infra-estrutura baziku ba eskola formal no non-formal sira iha area rural inklui fornese rekursu umanu ne'ebé kualidade atu nune'e la bele fo espasu ba estudante finalista mai konsentra iha kapital Dili.
2. Rekomenda ba Governu atu fortifika industria ki'ik iha Distritu atu nune'e bele fo serbisu ba komidade iha area rural. Nune'e mos hasa'e produsaun komidade iha area rural liu husi investimentu agrikula hodi nune'e bele evita movimentu migrante mai kapital buka serbisu.
3. Rekomenda ba Governu atu hadi'a infa-estrutura hanesan estrada iha area rural ne'ebé liga ba Distritu, Sub-Distritu atu nune'e komidade bele asesu merkadu hodi faan sira nia produstu lokal.
4. Rekomenda ba Ministeriu Ekonomia, Komerisu no Turizmu atu hari'i rede komersiu iha distritu hodi nune'e bele fasilita exporta no importa produstu lokal komidade ba iha merkadu nasional. Hodi nune'e bele evita konsentrasaun komidade halo negosiu iha sidade Dili.

## Bibliografia

- BELUN. (2009, Abril). HAMENUS TENSAUN IHA KOMUNIDADE HO ASSUNTU UMA. <http://www.cicr-columbia.org/wp-content/uploads/2011/06/Relatoriu-Politika-1-Uma.pdf>
- Bonaventura. (2012, Outobru 23). Trend Urbanisasi. <http://masterbonbon.blogspot.com/2012/10/trend-urbanisasi.html>
- Celina, Marlia. (2006, Outobru). Muda Sistema Edukasaun Ultrapasadu. Media Lian Foin Sa'e. [http://siteresources.worldbank.org/INTTIMORLESTE/Resources/October-Master\\_edisi-Final.pdf](http://siteresources.worldbank.org/INTTIMORLESTE/Resources/October-Master_edisi-Final.pdf)
- Carapic, Jovana. (2012). Buka Hatene Pontu Katalitiku Konfliktu Urbanu. [http://www.urbantippingpoint.org/documents/Policy%20Briefs/PolicyBrief\\_Dili\\_Tetum.pdf](http://www.urbantippingpoint.org/documents/Policy%20Briefs/PolicyBrief_Dili_Tetum.pdf)
- Fundasaun Mahein. (2013, Abril 17). Disputa Rai Rohan La'ek: Husi Prespetiva Siguransa. Mahein Nia Lian Nú.48.pdf.
- Fundasaun Mahein. (2013, Outobru 03). Forma Foun Krimi Organizadu iha Timor-Leste. [http://www.fundasaunmahein.org/wp-content/uploads/2013/10/MNL\\_Nu.60\\_03102013\\_Krime-Organizadupdf.pdf](http://www.fundasaunmahein.org/wp-content/uploads/2013/10/MNL_Nu.60_03102013_Krime-Organizadupdf.pdf)
- Fundasaun Mahein. (2012, Dezembru 20). Análiza Siguransa Hafoin Mandatu UNMIT Remata 2012. Mahein Nia Lian. Nú. 43.pdf.
- Fundasaun Mahein. (2013, Outobru 03). Forma Foun Operasaun Krimi Organizadu iha Timor-Leste. <http://www.fundasaunmahein.org/2013/10/03/forma-foun-operasaun-krime-organizadu-iha-timor-leste/>
- Fim, (2013, Outobru 05). Dezempregu maka hanesan baze kriminalidade iha Timor-Leste – Xanana Gusmão. <http://noticias.sapo.tl/tetum/info/artigo/1341296.html>
- Fundasaun Mahein. (2013, Abril 17). Dispusta Rai Rohan Laek: Husi Prespetiva Siguransa. Mahein Nia Lian.Nú.48.pdf.
- Freitas Ezequiel. (2013, Setembru 01). TLCE Triste Ho Kondisaun Estudantes Eis Hotel Rezende. <http://www.thediliweekly.com/news/education/11506-tlce-upset-with- eviction-of-students-from-hotel-rezende>
- Horta, Madalena. (2013, Juñu 21). Area Rural Seidauk Sente Sentemento Ukun An. <http://jornal.suara-timor-lorosae.com/area-rural-seidauk-sente-sentemento-ukun-an/>
- Len & Jef. (2013, Juñu 21). Inan Aman Laiha Kbiit, Joven Barak Sai Dezempregu. <http://jornal.suara-timor-lorosae.com/inan-aman-laiha-kbiit-joven-barak-sai-dezempregu/>
- MJ4. (2013, Outobru 09). Situasaun Obriga Faan Ropa Iha Dili. <http://jornal.suara-timor-lorosae.com/situasaun-obriga-faan-ropa-iha-dili/>

- Nicho. (2013, Agostu 05). Kapital Dili oin foer ho negociante lokal.  
<http://www.jornalbisnistimor.com/id/berita/1437-kapital-dili-oin-foer-ho-negociante-lokal>
- Nota Informasaun. (2009, Abril). Grupu Sira, Gang sira no Violensia Armadu iha Timor-Leste. Relatoriu TLVA.pdf.
- Neves, Guteriano. (2013, Maiu 22). Dezempregu iha Timor no Dezafiu ba futuru.  
<http://aitaraklaranlive.wordpress.com/2013/05/22/dezempregu-iha-timor-no-dezafiu-ba-futuru/>
- Pinto, Acacio. (2013, Jullu 16). Polisia duni sai okupantes iha eis otel Resende.  
<http://radioliberaldadedili.com/lei-a-orden/1081-polisia-duni-sai-okupantes-iha-eis-otel-resende>
- RDTL. (2010). Sensus Populasaun No Uma Kain 2010.  
<http://www.dne.mof.gov.tl/published/Census%20Preliminary%20Results%202010/Tetum%20English%20Preliminary%20Results%202010.pdf>
- RDTL. (2010). Analytical Report on Migration and Urbanization. Sensus 2010. Volume 7
- R.3. (2012, Agostu 20). MF sei lansa relatoriu numeru dezempregu tinan 2012. Media Business Timor. <http://www.jornalbisnistimor.com/id/berita/486-mf-sei-lansa-relatoriu-numeru-dezempregu-tinan-2012>
- RDTL. (2010). PESKIZA KONA-BA ATIVIDADE EMPREZARIAL IHA TIMOR-LESTE TINAN 2010.  
<http://dne.mof.gov.tl/TLSLS/BUSINESS%20ACTIVITY%20SURVEY/Business%20Activity%20Survey%20BAS/BAS%202010%20TETUN.pdf>
- RDTL. (2010). Rezumu hosi Rezultadu Prinsipál Sensu 2010 iha Timor-Leste.  
<http://www.dne.mof.gov.tl/published/2010%20and%202011%20Publications/Census%20Summary%20Tetun/Tetun%20Census%20Summary%202011.pdf>
- Sunarya, Ipan. (2012, Novembru 10). Urbanisasi.  
<http://iephant46.wordpress.com/2012/11/10/urbanisasi/>
- Saldanha S, Estanislau. (2012, Outobru 01). Hanoin Badak Ida Konaba Hadia Kualidade Edukasaun iha Timor-Leste. <http://forum-hakesuk.blogspot.com/2012/10/hanoin-badak-ida-konaba-hadia-kualidade.html>
- TLVA. (2009, Abril). Grupu Sira, Gang sira no Violensia Armadu iha Timor-Leste.  
<http://www.timor-leste-violence.org/pdfs/Timor-Leste-Violence-IB2-TETUN.pdf>
- TS. ( 2013, Outobru 02). Imigrasaun Husi Distritu Mai Dili Halo Dili Sao Sidade Disturbus. Media Tempo Semanal.
- Tempo Semanal. (2012, Setembru 20). Dezempregu sai Ameasa Boot ba Dezestabiliza TL.  
<http://temposemanaltimor.blogspot.com/2012/09/dezempregu-sai-ameasa-boot-ba.html>

- TL Tatoli Lian. (2011, Abril 28). Dezempregu: Biban Ida Kria Instabilidade Iha Timor-Leste. <http://networkedblogs.com/hbQC2>
- UNMIT. (2010, Agostu 10). Tackling Gang Violence in Timor-Leste. <http://unmit.unmissions.org/Default.aspx?ctl=Details&tabid=12196&mid=15662&ItemID=19509>
- Viana, Rui. (2012, Setembru 17). SEPFOP No Stratejia Hamenus Desempregu Iha Timor Leste . <http://forum-haksesuk.blogspot.com/2012/09/sepfope-no-stratejia-hamenus-desempregu.html>
- Yunindyawati. (2012, Febreiru 02). PENYEBARAN PENDUDUK: MIGRASI, TRANSMIGRASI, URBANISASI. <http://sosiokita-sosio.blogspot.com/2012/02/penyebaran-penduduk-migrasi.html>
- Z, Carla. (2013, Abril 24). Dampak Migrasi dan Urbanisasi. <http://carlz185fr.wordpress.com/2013/04/24/dampak-migrasi-dan-urbanisasi/>